

La BCG offra 60 jobs da stad per juvenils

S'annunziar ussa per in engaschi en il gaud da muntogna grischun

„ (cp) La Banca Chantunala Grischuna (BCG) ed il Project en favur dal gaud da muntogna porschan a 60 giuvnas e giuvens grischuns da 15 fin 19 onns in job da stad en il gaud da muntogna. Il project communabel ha lieu per la sisavla giada e chatta mintg'onn buna accoglientscha. Interessents pon s'annunziar fin ils 30 d'avrigl 2018. Ils lieus d'engaschi da quest onn sa chattan a Cuir, Trin, Claustra e Glion. Durant in'emna il fanadur e l'avust lavuran 60 juvenils en il gaud da muntogna grischun. Sut la direcziun da specialists da selvicultura realiseschan els lavurs en ed enturn il gaud da muntogna. Els fan per exempel emplantaziuns, construeschan sendas d'inspeziun, fan saivs cunter donns da ruissa da selvaschina e tegnan liber surfatschas ch'èn sut protecciun da la natira. La lavur quotidiana en il gaud è pretensiusa, ma ella resta en memoria sco eveniment nunemblidaivel. Per lur engaschi survegnan ils juvenils in daner da giaglioffa da 500 francs. Las emnas da project cuminaivlas da a BCG e dal Project en favur dal gaud da muntogna han lieu il 2018 per la sisavla giada. Il Project en favur dal gaud da muntogna è ina fundaziun d'utilitad publica cun sedia a Trin ed uschia in partenari ideal. Sco interpresa enragischada en il chantun surpiglia era la BCG responsabladad per il Grischun. Ils engaschaments da lavur duain gidar a famigliarisar las scolaras ed ils scolars cun la natira ed ad intermediar ad els la funcziun dals gauds indigens.

Giuvnas e giuvens motivads en la vegliadetgna da 15–19 onns che vulan s'engaschar per la natira pon s'annunziar fin ils 30 d'avrigl 2018 sin gkb.ch/sommerjobs



60 jobs da stad che fan senn: S'engaschar per il gaud da muntogna e gudagnar uschia daners da giaglioffa.